

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) nr. 347/2014****2015/EES/16/53****frá 4. apríl 2014****um breytingu á reglugerð (EB) nr. 606/2009 að því er varðar aukningu á hámarksheildarinnihaldi
brennisteinsdíoxíðs ef það er nauðsynlegt vegna loftslagsskilyrða (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 1308/2013 frá 17. desember 2013 um sameiginlegt markaðskerfi fyrir landbúnaðarafurðir og um niðurfellingu á reglugerðum ráðsins (EBE) nr. 922/72, (EBE) nr. 234/79, (EB) nr. 1037/2001 og (EB) nr. 1234/2007 ⁽¹⁾, einkum c-lið 91. gr.,*og að teknu tilliti til eftirfarandi:*

- 1) Leyfilegt hámarksheildarinnihald brennisteinsdíoxíðs í víni er sett fram í reglugerð framkvæmdastjórnarinnar (EB) nr. 606/2009 ⁽²⁾. Í 4. lið A-liðar I. viðauka B við reglugerðina er kveðið á um að framkvæmdastjórninni sé heimilt að ákveða að hlutaðeigandi aðildarríki geti leyft hækkun á hámarksheildarinnihaldi brennisteinsdíoxíðs, sem er undir 300 milligrömmum á lítra, um að hámarki 50 milligrömm á lítra ef það er nauðsynlegt vegna loftslagsskilyrða.
- 2) Hinn 15. janúar 2014 sendu lögbær yfirvöld í Þýskalandi opinbera beiðni um að leyfilegt hámarksheildarinnihald brennisteinsdíoxíðs í víni, sem er undir 300 milligrömmum á lítra, verði aukið um 50 milligrömm á lítra fyrir vín sem eru framleidd úr þrúgnauppskeru ársins 2013 af vínræktarsvæðum sem afmarkast af vernduðu upprunatakuninni „Mosel“ og vernduðu landfræðilegu merkingunum „Landwein der Mosel“, „Landwein der Ruwer“, „Landwein der Saar“ og „Saarländischer Landwein“.
- 3) Í tæknilegu athugasemdunum, sem lögbær yfirvöld í Þýskalandi lögðu fram, er útskýrt að loftslagsskilyrði hafi haft áhrif á heilbrigðisgæði þrúgnauppskeru ársins 2013 á fyrrnefndum svæðum. Einkum hafi verið rot í mörgum af þrúgunum í kjölfar seinkunar á uppskeru og meira magn pýruvats, asetaldéhýðs og alfa-ketóglútarsýru myndaðist við gerjunina. Þessi efni bindast brennisteinsdíoxíði og draga úr virkni þess sem rotvarnarefnis. Því þarf meira magn af brennisteinsdíoxíði til að tryggja rétta vínframleiðslu og rétta rotvörn í víni sem er framleitt úr þessum þrúgum. Þess vegna er tímabundna heimildin, sem um getur í 4. lið A-liðar I. viðauka B við reglugerð (EB) nr. 606/2009, eini tiltæki valkosturinn sem gerir kleift að framleiða vín, sem er hægt að setja á markað, úr þeim þrúgum sem hafa orðið fyrir áhrifum af þessum óhagstæðu veðurskilyrðum.
- 4) Því ber að breyta reglugerð (EB) nr. 606/2009 til samræmis við það.
- 5) Rádstafanirnar, sem kveðið er á um í þessari reglugerð, eru í samræmi við álit nefndarinnar um sameiginlegt markaðskerfi fyrir landbúnaðarafurðir.

SAMÞYKKT REGLUGERÐ ÞESSA:

1. gr.

Í stað 1. viðbætis við I. viðauka B við reglugerð (EB) nr. 606/2009 komi texti viðaukans við þessa reglugerð.

(*) Þessi ESB-gerð birtist í Stjtið. ESB L 102, 5.4.2014, bls. 9. Hennar var getið í ákvörðun sameiginlegu EES-nefndarinnar nr. 33/2015 frá 25. febrúar 2015 um breytingu á bókun 47 við EES-samninginn um um afnám tæknilegra hindrana í viðskiptum með vín, biður birtingar.

(1) Stjtið. ESB L 347 20.12.2013, bls. 671.

(2) Reglugerð framkvæmdastjórnarinnar (EB) nr. 606/2009 frá 10. júlí 2009 um tilteknar, ítarlegar reglur um framkvæmd reglugerðar ráðsins (EB) nr. 479/2008 að því er varðar flokka vínræktarafurða, vínfræðilegar vinnsluáferðir og takmarkanir þar að lútandi (Stjtið. ESB L 193, 24.7.2009, bls. 1).

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 4. apríl 2014.

Fyrir hönd framkvæmdastjórnarinnar,

forseti.

José Manuel BARROSO

VIDAUKI

„I. viðbætur

Aukning á hámarksheildarinnihaldi brennisteinsdíoxíðs ef það er nauðsynlegt vegna loftslagsskilyrða

	Ár	Aðildarríki	Vínæktarsvæði	Viðkomandi vín
1.	2000	Þýskaland	Öll vínæktarsvæði Þýskalands.	Öll vín framleidd úr þrúgnauppskeru ársins 2000.
2.	2006	Þýskaland	Vínæktarsvæðin á svæðunum Baden-Württemberg, Bavaria, Hessen og Rhineland Palatinate.	Öll vín framleidd úr þrúgnauppskeru ársins 2006.
3.	2006	Frakkland	Vínæktarsvæðin í sýslunum Bas-Rhin og Haut-Rhin.	Öll vín framleidd úr þrúgnauppskeru ársins 2006.
4.	2013	Þýskaland	Vínæktarsvæðin sem afmarkast af vernduðu upprunatáknuninni „Mosel“ og vernduðu landfræðilegu merkingunum „Landwein der Mosel“, „Landwein der Ruwer“, „Landwein der Saar“ og „Saarländischer Landwein“.	Öll vín framleidd úr þrúgnauppskeru ársins 2013.“